





2129 III. J. J.




656



MISCELLANEA.

- 1/ Maniecki Franciszek, Emeriti honores B. Joanni Francisco Regis,  
Zamość 1720, Typis Universitatis, -K nlb. 21. -E<sub>VVII</sub> Str. 114. -
- 2/ /Koryciński Franciszek, Fasces mortis, Kraków 1696, in officina  
Francisci Cezary. -K nlb. 6. -E<sub>VV</sub> Str. 110. -
- 3/ /Koryciński Franciszek, Starża JWPP. Korycińskich, Kraków 1696,  
in-officinaw druk. Franciszka Cezarego. -K nlb. 8. -E<sub>VV</sub> Str. 110. -
- 4/ /Potocki Józef/, Corona unionibus animorum, Lwów 1736, Coll. Soc.  
Jesu. -K nlb. 16. -
- 5/ /Potocki Józef/, Pilawa..., Lwów 1736, w druk. Coll. Soc. Jesu. K nlb. 11. -
- 6/ Kobielski Franciszek Antoni, Rosa avitum Poraitarum decus, Lwów  
1740, Typis Confraternitatis SSS. Trinitatis. -K nlb. 24. -E<sub>VIX</sub> St. 349. -
- 7/ Skarbek Krzysztof, Pignus obaerati amoris, /B.m.dr./ 1726. -E<sub>XXVIII</sub>  
Str. 129. -K nlb. 11. -







R O S A

Avitū PORAITARUM Decus

Stēmaticus Domūs KOBIELSCIANÆ FLOS,  
TRIREGNORUM, INFULARUM, & PURPURARUM ORNAMENTUM.  
Odorem immortalis famæ. Fragrantiam Magni Nominis,

*Suarvitatem Meritorum,*  
IN ECCLESIAM REGES & REGNA

S P I R A N S

PENES TRIUMPHALEM ASCENSUM à PRÆSULEO CAME-  
NECI STALLO Ad PONTIFICIAM LUCEORIÆ CATHEDRAM  
ILLUSTRISSIMI EXCELLENTISSIMI

&

REVERENDISSIMI DOMINI

D. FRANCISCI ANTONII

*In Dmenin & Kobile*

KOBIELSKI

EPISCOPI LVCEORIENSIS & BRESTENSIS

*Plaudentium Solenni ingresui, publico sensu*

OBSERVATA

392899

*A devinctissimo verò tanto Nomini SCHOLARUM PIARUM Diace-  
sano Interānensi Collegio obsequioso cultu.*

ADORATA

Anno Domini 1740. Mense Iunio.

\*\*\*\*\*  
L E O P O L I.

Typis Confraternitatis SSS. TRINITATIS Cum Priv. Sac. R. M.



In Stemma  
ILLUSTRISSIMÆ DOMUS  
KOBIELSCIORUM

ROSA flos odorq; Divum,  
Decus illa gratiarum,

ROSA hominum voluptas  
*Anacreon.*



I.

Flos Procerum. Regniq; Decor, Cultusq; Tiaræ  
Inter tot Violas hæc ROSA Sola sacras.

II.


Spem Patriæ, Divisq; fidem, virtutibus umbram,  
Veprete, flore parit KOBIELIANA DOMUS.

III.

Floret honor, fortuna salit, capit æther odorem,  
Murice, Torque, Pedo fructificante ROSA.



ILLUSTRIS  
ac  
REVERENDIS  
SIMIS  
ANTISTES

u intra nos deliberavimus, quid tandem ad solennem ingressum Præsuli, Protectori nostro offerremus. Lustravimus in thesauro eruditionis opes, quæcunq; esse poterant, & nihil placuit derivandum, quod Tibi pretiosissimo virtute, Sapientiâ, honore, Animi dotibus Pontifici, ex illo promeremus. Aurum facundiæ plumbum est Tuo in conspectu, gemmæ conceptuum sibi illachrymantur, quia Tuo pontificio anullo indignæ reputantur, argentea lucubrationum folia Tuo pallent in obtutu. Sola enim reminiscentia, quod Regû Panegyristes olim fueris, infra



Tuæ majestatem svadæ deiicit, quid  
quid à quoquam æstimari potest au-  
gustum. Conclufimus itaq; apud nos,  
fpretis omnibus, quæ sunt extra Te  
pretiofa, Teipfum Tibi in conteltatio-  
nem noſtri obſequij dedicare, quia in-  
æſtimabile Domûs Avitæ clenodium  
ROSAM, aureo honorum rore e-  
nutritam. Spinas hæc nullas habet,  
niſi quas hoſtes horreant, folia quot in  
ſe explicat, tot Avita Domûs Tuæ de-  
cora, odorem quem ſpirat ſvaviſſimus  
eſt, univerſo. Suſcipe illam proinde ut  
Tuam, minimosq; maximi Nominis  
Tui cultores, illo quo ſemper fove affe-  
ctu, protege gratiâ, cum ſtemmatico  
Domûs Tuæ flore perpetuum ver vitæ  
celebraturus.

*ILLUSTRISSIMÆ ac REVERENDISSIMÆ DOMINATIONI*  
*VESTRÆ.* <sup>quod precatur.</sup>

*Devotiſſimum*  
*Collegium Interamnense*  
*Scholarum Piarum,*





**R**Ubore, necesse est suffundatur Hor-  
tensiana quantumvis svada; pallen-  
tes, expedit in stuporem obrige-  
scant, etsi disertissimæ Oratorum  
paginæ; dum Tui Aviti decoris  
ROSÆ veniunt in conspectum *PRÆSUL ILLU-  
STRIS-SIME*. Quid verò pumila, ante Tuum  
Pontificio honore magnum, meritis longe  
majus, publicā famā & æstimatione maxi-  
mum Nomen, sit actura Panegyris? unde Tu-  
arum sumat exordia laudum, qualiter cæptis  
progrediatur in encomijs, quomodo destinatum  
suis intentis perveniat ad epilogum? planè du-  
bia; non sufficientem stringens calamus obstu-  
pescit? Quocunq; enim suam torquet pupillam  
Orator, ubiq; advertit in tanto Sangvinis &  
purpurarum Oceano, periculosum sibi immine-  
re naufragium. Hinc Vaticana *URSINORUM*



triregna, Cardinalitiæ *PORAITARUM* trabeæ, triumphales Primatum & Vice-Regum Cruces, sublimes Antistitum Tiaræ; illinc Palatina laticlavica, Curules, Cancellariorum gemmæ, & publica Regni Ministeria, Tuum ad solennem ingressum circumstipantia, latus, agminatim terrent resolutissimum licet Panegyristen, ne audeat tenui calamo tantam amplitudinem, & immensam summorum Nominum vastitatem mensurare. Aureum etiam Ariadnæ svadæ manuprehendat filum Theseus Orator, ut Vestrum Sanctissimi in Summis Pontificibus, Eminentissimi in CARDINALIBUS, *CELSISSIMI* in ARCHIPRÆSULIBUS, *ILLUSTRISSIMI* in SENATORIBUS *PORAITÆ* curiosiore obtutu perlustret *ROSETVM*, & absq; omni controversia in illo, velut in altero Labyrintho aberrabit. Ipsa Nominis Tui majoribus maximi reminiscencia sensum abripit, de encomiis illius cogitanti; Seraphicæ *FRANCISCI* flammæ excoctissima in gelidam formidinem proturbant capita, thaumaturga Antonij probitas Polo & solo notissima, si per improbum laborem vel tantillum tangeretur, pro grandi miraculo in toto, qua patet Orbe, haberetur. At quid ex tantis animi Tui qualitatibus per respectum ad alios inferendum? qui integro virtutum & meritorum, in Reges & Regna exercitu, Tuæ hodie triumphali assistent pompæ, profectò immensum Archipontum in exiguum



quam transfundere scrobem probaretur quis-  
quis condigno verborum plausu, Tuam, Tuo-  
rumq; Aboriginum immortalem famam cele-  
brare attentaret. Sufficientes an habeat in se,  
prius exploret vires Orator Alcides, qui tantis  
fideribus coruscum Vestri Nominis, portitore  
lacerto præsumit gestare cælum. Vnus & so-  
lus *ROSEE PRÆSUL* flores dicendi extingvis, quid  
florentissima per Orbem, imperia & Regna  
Antenatorum facient decora? sub Avita Tua  
*ROSA* lateant in silentio, est necesse. At non latebunt,  
proferentur ad publicam Solis Lechici faciē, ut  
deciduo in venerationem colantur poplite velut  
Numina, dum vocali lingvæ præconio, ut satis  
est, ad Pontificiæ in augurationis cathedram ne-  
queunt promulgari. Inexpiabile facinus est, ibi  
velle taciturnum agere, ubi vel maximè expe-  
dit esse facundum. Castigetur attentâ legenti-  
um censurâ in Vestrum delinquens Nomen in-  
docilis svadæ cultus, peccare tamen non desi-  
net, satius eligit ad minus periculosum deflecte-  
re extremum, quàm utrumq; desperabundo a-  
nimo declinare. Odore saltem Aviti Tui *PO-  
RAY* placet delectare sensum, quem fragran-  
tissimè totam spiràs in Poloniam, imo exteras  
etiam, hoc regnum circumjacentes effundis in  
Nationes, si non in centifolia ingenij attactu  
explicare. Scarabæis duntaxat, qui adhuc in flo-  
re existentes prædantur Patriæ fructus, inimica



Tua ROSA, sed apes scholasticas, quæ de Tuō vernantissimo Pæsto dulce meritorum & virtutum mel exsugant, non abhorret, Crescet hinc majus Rhetoricis, quam olim Romanis fontibus decus & ornamentum, ubi Tuo purpureo ROSÆ gentilitiæ sereto, non subterfugient coronari. Vtiq; ad Aras Numinum, ( idem esto judicium de magnis Nominibus, ) non tantum auro pretiosa, gemmis & adamantibus rutila, argento, splendentia pendent numismata, sed & plebeia offerentis populi ceræ appenduntur, non tamen inde debita æstimatione & obsequioso cultu privantur imagines, imo majus sibi per acceptationem exiguorū quantumvis donorum conciliant honoris incrementum. Nec Tuus ANTISTES *ILLUSTRIS* ita fastuosus est oculus, ut inter densissima assistentium Tuo PRÆSV-LEO Honori agmina, etiam minimæ Scholarum Piarum Religionis arceas, & dedigneris obsequia, imo, si purpurato illa, ut non condignè applaudentia dignissimo honori, protruderet calcaneo, adhuc ultroneè, ad Pontificij saltem exosculandi fimbriam pallij, sese animarent, Sed quidquid est ex nostro in Te affectu *PRÆSUL REVERENDIS*IME, Tua in omnes benevolentia, in singulos favor id vetat, imo nemo est, qui non palam gloriatur, infimæ licet conditionis, quin à Te Paterno planè sinu non stringatur. Et hæc est maxima magnorum vir-



rus Nominum minimos etiam non fastidire. Sic  
Rex planetarum Sol, non tantum superbas Dy-  
nastarum turres & palatia, benigno illustrat lu-  
mine, verum & infrajacentem telluris glebam  
pari aspectu dignatur. Ultra communem vulgi  
fortem omnium sano probatur iudicio eminere,  
qui ad subjectam suæ potestati plebem sese  
benevolè demittit. Talis ac tantus es ANTI-  
STES ILLUSTRISIME, nihil Tibi cum cæteris commune nisi  
vita, quam publico quotidie victimas bono; nisi  
sol, in cujus conspectu meridianis rutilas vir-  
tutum splendoribus, nisi hæc infra Tuum pon-  
tificale pedum depressa tellus, quam veneran-  
do attactu pedum tumere quodammodo, & su-  
perbire facis; ut extra assentationem de Te il-  
lud veriùs dicatur, quod de Perseo, vano delu-  
sa errore credidit antiquitas, quasi quidquid tu-  
mido prefferit calcaneo, eo loci statim Regina  
Florum Rosa excrevit. Mitratum Caput Tu-  
um Salomoneæ Sedes Sapientiæ; Pontificio  
rationali tectum pectus Tuum omnigenæ vir-  
tutis reclinatorium; majestuosæ facies Tua ma-  
ximarum ad intra speculum qualitatum, quam  
demissiore videre obtutu, idem est, ac quidquid  
illa in Te designat, invidere. In lingua Tua ne-  
ctare dulcior dicendi copia & gratia, in fronte  
sole serenior amænitas, in oculo nullus superci-  
liosus notatur fastus, sed miræ suavitatis splen-  
dent Charites, manus Tuæ plenæ in omnes be-  
neficiis. Vt vides lapsos fortunæ casu, protinus



in pedes erigis, ut advertis inopes ad Tuos ingemiscere lares, illico locupletatos non sine solatio dimittis, ut inaudis de Tuo respectu benè meritos, statim benevolo dexteræ nutu levas in honores; optimè ratus non aliter, quoscunq; status insignibus florere Viris, quàm dum optimos fructus sperant suorum & legunt recte gestorum. Solenne plerisq; impensa obsequia, gemmis compensare lachrymarum, Tua in singulos plusquam distributiva justitia, plumbeos etiam famulatus auro refundit. Et hinc est, quod nemo Tua festinus non volet ad imperia, necdum mandatoriam plena aure percipit vocem, & jam omnia strenuè facta, quasi ex codice enarrat. Prudentiam, quæ mentis Tuæ augustale hereditario possedit jure, si spectemus? tanta est, ut etiam depontanos Senecas, & Romanos Catones confundere videatur. Profers aliquid præsentium ad catervam, Divino non ab simile oraculo esse censetur; agis quidpiam, Canon & regula est gloriosè acturis, cui per omnia conformentur. Immortales sint superis gratiæ, æterna *AUGUSTO* III. REGUM SERENISSIMO animi gratitudo, quod Te talem Nobis providerit ANTISTITEM, qui cum Proceribus majestuosè, cum æqualibus confidenter, cum minimis affabiliter, pro Ecclesia zelosè, pro statu fortiter, pro libertate resolutè negotia pertractares. Destinavit Te AUGUSTISSIMA REGNATORIS MAJESTAS Cameneci Sacrorum PRINCIPEM, probavit Sedes Vaticana, imo laudibus extulit, ut in illo contra portam Othomanicam fortalicio, murus & grande præsidium esses Patriæ, & sine dubio fuisti, jam supplices pro nostra vita, integritate & fortunis, ad cælum levabas palmas, jam velut centoculus Argus è specula, futuris providebas, obviabas. Cogitabat jam forsitan Machometicus miles lunata in Poloniam inferre signa, exacuato in necem chalybe scrutari



re  
n-  
x-  
er,  
o-  
n.  
re  
t-  
a,  
x  
-  
-  
-  
n  
-  
-  
s  
s

ri viscera Regni nostri, succisis expectatae pacis oleis, fa-  
tales implantare cupressus, addensare funera, flammis  
omnia involvere, nisi Tu ardentissimè superos flagitasses,  
ne Polis, affiini Poloniae tantum malum permetterent at-  
tentare. Decuit proinde, ut à Præsuleo Cameneci Stal-  
lo ad Pontificiam Luceoriae Cathedram Regius Te pro-  
moveret & invitaret favor, expedit, ut in alium Hono-  
ris Zodiacum translato ZALVSCII AGNO, Avitarum o-  
dore ROSARUM hanc Urbem, hanc Dioecesim impleres.  
Quanta de Tuo adventu corda omnium incessit svavitas,  
quibus universi inundamur solatiis sensu percipimus,  
non tamen ut par est, mente comprehendimus, multò  
minus ore proloqui valemus. Nulla ætas, nullus sexus  
est, qui Tibi certatim occurrere, Te salutare non sata-  
gat, existimantes beatifica in terris frui posse visione, si  
Tuo dulci aspectu pasci mereantur. A fronte, à tergo, à  
lateribus, admirantes, alij venerantes, alij Pontificiam  
Tui vultûs majestatem circumstant, corda etiam, non tan-  
tùm Cathedralē Basilicam pandentes triumphaliter in-  
gressuro. Ad Tuæ ILLUSTRISSIMUM præsentiæ ortum, lu-  
cem sibi novam, eamq; meridiānam, diem auspiciatissi-  
mum oriri advertit Luceoria, illam Tuā intra angusta  
mœnia continendo amplitudinem, quam nec totus capit  
Orbis Polonus. In triumphales arcus obsequiosas Ci-  
ves inclinant Cervices suo hodie Triumphatori, Clerus  
plaudit suo PRÆSULI, per Dioecesim sparsi fidelium gre-  
ges de tanto PASTORE gloriantur. Deprædicant sibi ad  
invicem, & mutuò collatis sese recreant discursibus, quàm  
pius sis in superos, quàm benevolus in subditos, quàm  
absoluta omnigenæ perfectionis & sanctimonix norma.  
Et hæc de Te omnes, hæc tantisper sparsim, sine ordi-  
ne, sine forma, devinctissimus Tuo Nomini stillatim  
profudit calamus, alibi plura profusus. Permittes



nunc ad oscula pedum prolapsam panegyrim, Præsuleâq; impertitâ benedictione non nihil digredi ad Tuos inclytissimos Antenatos, è quorum purpurato Sangvinis Archipelago Gemma Antistitum prodiisti.

Et hic grande celebratissimis quantumvis per Orbem elogiaſtis affurgit ingenii fatigium, quomodo Vestri Cælo & terris cognati Nominis attingant fastigium. In Empireo alii nostri sublunaris Orbis componunt negotia, alii hoc terraqueo Poloniæ liberando globo vires & merita impendunt. Exanimes alii, vivunt alii, omnes ad stuporem Orbis gloriosi. Nihil in hac Proſapia Aquilino etiam videre licet oculo, quod non summum, quod non plusquam Serenissimum. Summos ex hac Genesi in Orbe Christiano desideramus adorare Pontifices? palam sunt. Regibus pares gesti-  
mus venerari Cardinales? prodeunt ad solem: ARCHI-  
PRÆSULEIS signatos muricibus exambimus PRIMATIS pri-  
mosq; PRINCIPES, veniunt in obtutum, Infultos PRÆSULES,  
SENATORIIS sublimatos Curulibus, & Regni MINISTERIIS  
celeberrimos exambimus prospectare Viros? sese inge-  
runt mirandi pariter & imitandi. Sed ne per commu-  
nes sensus in immensum divagetur penna, liceat rem  
propositam ex ordine in particulari remonstrare. Itaq;  
historico hoc magnum opus non Panegyristæ credimus  
ſtylo, aliàs gemmæ pro periodis legi, mare pro ſepia ſic-  
cari, æternitas pro tempore impendi deberet, ſi annuatim,  
quis & quanta gesserit, explicare conaremur. Quatuor  
hanc Summi Pontifices ex antiquissima *URSINO-*  
*RUM* in orbe ſtirpe aſtris conterminam reddiderunt  
Familiam, tanquam quatuor Chriſtiani mundi columnæ,  
quorum adminiculo, & firmis claregeſtorum humeris  
Polus & tellus ſecurè conquievit. Triginta hanc pro-  
geniem purpurarunt Cardinales. Boni Superi! quan-  
tus



tus ex una genesi *Æcumenicæ* SENATUS Ecclesiæ, quam ampla Purpuratorum PATRUM Series! Impari decadam numero super aureas, in rotam dispositas sederunt Curules, quia parem computum tantorum Nominum, vel nunquam habuit, vel non habebit Roma. \* Primatiales tres Principes impleverunt, & simul Sancta effecerunt folia primus Divus ADALBERTUS Martyr, secundus ROSA de Kurozwęki nuncupatus, Tertius GAVDENTIVS omnes PORAITÆ, quorum alios quia Ecclesia Sanctorum inscripsit Catologo, alios è Patrio Floris Stemmatici expresso Succo fastis perennantibus inaravit fama, atris liturare characteribus non audet prelum. \* Quot verò Præsuleis eminuerunt faldisteriis, ad Comitiam, ad publica gentis libranda negotia Regnatori assederunt lateri, calculare ut difficile, ita vix possibile. Præit omnibus triumphaliter ZIROSLAUS PORAIUS Vratislaviensis Antistes, qui eo tempore floruit in vinea Domini Exercituum, quo VLADISLAUS HERMANUS aureum Regni gestabat pomum, meritis alias, ut publico vocis præconio Principum Ocellus diceretur. Quid porro de GAUDENTIO PORAIIO sub BOLES�AO KRIVOVSTO CRACOVIANSI ANTISTITE, Cleri Idea compellato? quid de VERNERO PORAIIO sub BOLES�AO CRISPO EPISCOPO PLOCENSI, gloriosissimo pro fide & Ecclesia Martyre, in vita & post mortem miraculis inclutissimo? quid de BOGUCHVAŁO PORAIIO sub eodem Monarcha Posnaniensi Episcopo, Divini honoris Propugnatore ardentissimo? quid de ZIROSLAO II. Vratislaviensi Præsule, admiranda suæ Diocesis moderatione felicissimo? quid de VINCENTIO KADŁVBEK sub Albo LESKONE EPISCOPO CRACOVIANSI, Triumphatore de hostibus Ecclesiæ & Patriæ celeberrimo? quid de BOGU-

C

CHVAŁO

\* PORAITÆ Primates Regni,

\* Episcopi



CHVALO PORAIIO II. de BOGUCHVALO PORAIIO III. sub BOLES�AO PUDICO, Posnaniensibus Episcopis? quid de BUDZIANŦA Cracoviensi, ZAVISSIO VLADISLAVIENSI, MATHIA PRÆMISLIENSI ANTISTIBUS, aliisq; sexcentis dicendum? quorum dulci recte gestorum memoriâ exhilaramur in fastis, ex quibus plurimi non modo Pontificiis annulis, sed & signatoriis Supremorum CANCELLARIORUM gemmis, sibi ad immortalem famam, Familiæ ad perennem gloriam, Regibus & Regno ad prodigium effulserunt. Et hæc est Sacri SENATUS facies VESTRA de FAMILIA PORAITÆ, liberet nunc Palatina \* folia, Castellanas adorare curules, nisi aliò vectigalis calamus vocaretur. Sileo proinde ex Stirpe PORAITARVM, DOBIESLAVM, PORAITVM Lublinensem, IACOBVM Siradiensem, NICOLAVM Sandomiriensem PALATINOS; non commemoro Supremos DUCES EXERCITIIUM, quorum relatis ex hoste triumphis hæctenus gens Lechica inclarescit. \* Non eventilo mortalitatis è favilla DOBIESLAVM Cracoviensem, CESLAVM Sandomiriensem, NICOLAVM Lublinensem, HIERONIMVM Siradiensem, IOANNEM VIELUNENSEM CASTELLANOS, quiescant post impensos Patriæ labores, memoriâ, æstimatione, factis immortales, sufficit tales fuisse in Regno Viros, quos etiam ipsæ coronæ ambiabant facere coronatos. Non ille solùm censeretur throno fuisse dignus, qui eminuit, sed & qui meruit. \* Consanguinitatis verò Arbor, quæ se in PORAITARVM primò, deinde KOBIELSCIORVM amplissimos diffudit in palmites, longè nobilior Capitolinâ illâ quer-

cu,  
 \* Origo Illustrissima PORAITARUM Domus ex VRSINIS.  
 \* PORAITÆ Palatini, Castellani.



cu, in qua gentium trophæa appendebat Ro-  
 ma, fuit VRSINVS ROSA inclytissima Roma-  
 norum propago Consulum, qui circa sæculum  
 ab orbe redempto prope septimum veniens  
 in Bohemiam, ad Albim fluvium plantam po-  
 suit, ut hoc ipso signaret ad maximos hono-  
 res fore candidatos, qui de se nascerentur,  
 quamvis & ipse meridianis dignitatum præ-  
 fulsit titulis, quot Filios & Nepotes, tot pri-  
 mæ magnitudinis astra numerando. Plaude  
 tanto Sole tantis sideribus corusca Bohemia,  
 habent aliæ gentes & Regna cur Tibi tantos  
 invideant splendores. Et certè perstrinxit  
 Miecislai Principis Poloniæ oculos hujus Ge-  
 nesis claritas, involavit sensum magna Nomi-  
 nis fragrantia, necessum proinde fuit, ut dum  
 BOLESLAI Regis Bohemiæ Filiam DÆ-  
 BROWKAM Sponsore subarrharet annulo,  
 etiam de hoc Sangvinis Erythro gemmam deri-  
 varet PORAIVM de VRSINIS DIVI A-  
 DALBERTI. ARCHIEPISCOPI Fratrem,  
 ad Magnum suæ Coronæ decus & ornamen-  
 tum. Huic plantæ (PORAIO inquam de  
 VRSINIS) Vestrum vigorem debetis PORA-  
 ITÆ, ab hac radice inclytæ stirpis processis-  
 tis. Nec postrema statim PORAITÆ cæpe-  
 runt occupare folia, \* primus GAVDEN-  
 TIVS Archiepiscopus Gnesnensis BOLE-  
 SLAO CHABRI oblatum ab OTTHONE

C2

Impe-

\* Gaudentius PORAIUS primus Coronator.



Imperatore in capite posuit 'diadema, Regumq; Coronatores alij ab eo intitulari habent in honore. Habes procertò & Tu primò Coronate BOLESŁAE, unde pro radiante in vertice auro cor offeras PORAITIS. Minimè id præstare renuit, majoribus ab hinc eos profecutus favoribus, non tantùm superstites, sed & vitâ functos, magno argenti pretio D. ADALBERTI Corpus, illorum Consangvinei de manu Barbarorum redimendo.

\* Sed ne PORAITARVM Stirps à primis post paradisum terræ Incolis, quasi interrupta generationis serie, tot alijs extinctis perpetuasse videretur sæculorum ad invidiam, placuit, auream regni LESŁONE Nigro tenente virgam, hanc plantam in alios vocabulorum Surculos effrondescere. VIELISŁAVS etenim PORAIVS circa Annum 1282. dignæ se Parente Soboli CIESŁAO & DOBIESŁAO partitus patrimonium; primo quidem Bona in *in Michałow* ac *Bużenin*, secundo in *Kurozwęki* & *Kobiele*, occasionem præbuit, ut tandem ab illis Cognomina sortirentur. \* An: deinde supra millesimum trecentesimo duodecimo, memoratus DOBIESŁAVS Heres in *Kurozwęki* & *Kobiele* Filio suo primogenito VENCESŁAO naturali jure contulit sortem in *Kobiele*, qui primus vulgo dici cæperat KOBIELSKI. Et sic à Bonis *Kurozwęki* KUROZWĘCCII, à Bonis *Michałow* MICHAŁOWSCII, à Bonis *Kobiele* KOBIELSCII PORAITÆ sunt

\* Illustrissima KOBIELSCIORUM Domus ex PORAITIS  
 \* VENCESŁAVS PORAIUS primus nuncupatus KOBIELSKI.



sunt Vocati, ex quibus etiam PSTROKON-  
 SCII originem ad posteros traduxerunt.  
 Tam florentissima ex VRSINIS in PORA-  
 IOS ex PORAITIS in KOBIELSCIOS derivata  
 cum Sangvine Nomina, nunc Panegyrico cul-  
 tu veniunt celebranda. Ast quæ tam sublimis  
 Oratorum gradatio, ut ad hæc pertingat?  
 infra KOBIELSCIORVM serpit gloriam,  
 quidquid summum in Tulliana svada reputatur.  
 \* Primus ille VENCESLAVS à Bonis  
*Kobiele KOBIELSKI* nuncupatus, quantæ Vir fue-  
 rat in æstimatione amplitudinis, ex *ŁOKIETKO*  
*VLADISLAO* REGE facile mensuram capere, qui  
 eum non modò Supremum Regni voluit habe-  
 re Cancellarium, sed & Maximorum Reipu-  
 blicæ negotiorum Atlantem. Advertit nimi-  
 rum in eo intaminatum suæ majestatis amorem,  
 boni publici zelum, Sacrosanctam fidelitatem,  
 oris divinam planè facundiam & illas dotes in  
 uno concentratas, quæ per omnes dispersæ,  
 plurimùm in singulis suspiciebantur, in eo velut  
 inspeculo renidentes, adorabatur. Prædicatur ab  
 alijs Heròum Cor, Nobilitatis decus, rebus in a-  
 gendis dexteritatis prodigium, Consiliorum  
 promptuarium, conveniebat ut ab ipso Coro-  
 nato Principe suæ mentis diceretur Interpres,  
 Os & oraculum. \* Non absimilis à Nobilissima  
 arbore fructus, à fonte rivus, à sole radius, à  
 tanto Progenitore processit Filius IARO-  
 D SLA-

\* Regni Cancellarius    \* *Iaroslav Kobielski* Heros dexterrimus



SLAVS KOBIELSKI sub CASIMIRO Ma-  
gno contra Russos Heros invictus, ad cu-  
jus terrorem Nominis satis erat hostibus, illum  
venisse, & protinus victos esse: nec dum vagi-  
nâ nudavit gladium, heròica in adversas pha-  
langes, strinxit dexterâ, & jam metu exani-  
mata in fugam vertebantur Castra, non aliter,  
quam si Iupiter in rebelles Gigantes fulmine  
belli detonasset. Sentiunt adhuc ejusmodi  
Harpyæ istius Sarmatici Herculis vim & ro-  
bur, quibus toties repullulantia in perniciem  
Patriæ bellatore chalybe attrivit capita, & fa-  
ce ignis Martialis ad perpetuum doloris sensum  
adussit. \* Quare & promeruit, ut ab eodem  
Lechici Moderatore sceptri, à Bellonæ æstu  
ad Senatorij Honoris refrigerium, à lorica ad  
Purpuram, à cruento Gradivi solo ad Castel-  
lanatûs Premisliensis solum peteretur. Dignus  
inter purpurata Numina arâ honoris eminere,  
qui pro integritate Regni propriam vitam &  
incolumitatem victimare non reformidavit.  
\* Quod si super gloriosissimè gesta IANVSSII  
KOBIELSKI Haliciensis Capitanei, in me-  
moriam translata sæculorum se reflectit pagi-  
na, satis arctam se esse deplorat; etsi in cente-  
na elogiorum folia protendatur. Quidquid fo-  
rensiarum causarum Arbitr & Iudex decidit,  
nullus apud se non probavit; scelera alias non  
scelestos, reatus non reos tollere, semper ha-  
bens

\* *Castellanus Premisliensis.*

\* *Ianussius Kobielski Haliciensis Capitaneus.*



bens in intento. Imo plures elegissent ab eo ad mortem condemnari; quam ab alijs vitâ sibi donatâ judicari. Tribunalitia ipsius sedes stallum fuit æquitatis & justitiæ; hanc ille quondam ad cælos profugam suæ judicariæ Curiaë perpetuam fecit inquilinam. \* Ad LUDOVICVM REGEM HVNGARORÛ in negotijs Reipublicæ legatione functus, quanto verborum delectu, sententiarum gravitate peroravit; quanta commissum sibi opus activitate confecit; quàm felicissimo præstolantia singulorum desideria redux coronavit eventu; testis \* Castellana Lublinensis trabea; qua gemmeos illius sudores, munifica in optimè meritos majestas absterfit. Et expedit altioribus etiam suæ assertorem tranquillitatis, imo primis in Regno sublimari curulibus; nisi ipse gradatim ad hæc dignitatum culmina procedere elegisset; magnum imitatus luminare, quod non prius in summo sphæræ resplendet gradu; quam per decliviores, semper tamen æquè serenum, eluctetur. \* Venit deinde prociduo svadæ Venerandus obsequio IOANNES KOBIELSKI Cracoviensis Succamerarius, Vir suo ævo florentissimus, sui Palatinatûs amor & delictum; qui congregatæ ad celebranda comitiola Nobilitati quoties præsedet; toties sine collisione animorum, diversitate opinionum, sine confuso in varias partes verborum

D2

sono

\* Ad LUDOVICUM Regem Legatus. \* Castellanus Lublinensis.

\* IOANNES KOBIELSKI Succamerarius Cracoviensis.



sono, cum æstimatione Regnatoris throni, cum  
plausu Ordinum, cum appretiatione sui distri-  
ctus faustissimè sunt conclusa. \* Præter hæc,  
aliaq; quàm plurima recte gesta, resonat huc-  
usq; dulce oris illius eloquium ad strepentes  
Danubij aquas, & inde profiliens non modo  
excelsa Carpathicorum montium transcendit  
juga; sed & in universum quadrifariam divisa  
svadæ illius fama, totum complet Orbem;  
quando ad Sandeciam post fata CASIMIRI,  
LUDOVICVM Hungariæ Regem. simul &  
Lechici Rectorem Sceptri salutavit. Habe-  
rent quid ex illo eloquentiæ fonte omnes hau-  
rissent Oratores; quem ipse pro gloria gentis,  
pro honore majestatis, pro æstimatione Viro-  
rum suæ Patriæ, pro sui nominis perennante  
gloria profudit. Vt vel hinc succincta Pan-  
nonum disceret natio ex uno. omnes Polonos,  
non modo in Sago hostes, sed & in Toga ani-  
mos victrice facundia triumphare, \* Et ne  
commune omnibus, qui nascuntur solvendo  
mortalitatis debitum, mori videretur, clare-  
gestis aliàs immortalis, reliquit Patriæ ad so-  
latium, Regno ad tutelam, majestati ad de-  
fensionem, Exercitui ad robur, IACVSSIVM  
KOBIELSKI Bonorum plurimorum Here-  
dem in quo viveret nullis sæculorum decursi-  
bus tumultandus. Respondit optimè Paternis  
votis ad maxima nata indoles; amplissimas pos-  
siones

\* LUDOVICVM REGEM Salutat.

\* Iacussens Kobielski plurimorum bonorum heres.



fessiones non ineffrenem voluptuæ luxum, sed  
 in Reipublicæ commoda, Templorum & Al-  
 tarium ornatum, inopum sublevationem,  
 eo ipso magis ampliando, non attenuando.  
 Quis enim in Superos largus, in necessita-  
 tes boni communis prodigus, in egenos libe-  
 ralis extitit. ut non illico apertos in singulo-  
 rum utilitates, cumlaret thesauros? Humo-  
 rem quem plantis & herbis subministrat tel-  
 lus ad virorem, non solum eisdem venusta in  
 omnium splendet oculis, verum copiosiori-  
 bus longè, desuper irrigatur aquarum stillici-  
 dijs, \* Explicuit se deinde hæc inclyta Do-  
 mus KOBIELSCIANÆ ROSA in ternio-  
 nem foliorum, vel potius Filiorum CESLA-  
 VM videlicet Heredem in *Skæpe, Wola, K-etlin, Ła-  
 giewniki*; DOBIESLAUM in utrisq; KOBIELE,  
*Wola Roszkowa, Zelaskow, Przybradow, NICOLAUM*  
*in Turki, Starogrod, Mietlin, Krzeszow, Bieszcza,*  
*Plosy, Kruszopole,* Viros ut bonis fortunæ locupletissi-  
 mos, ita animi dotibus insignissimos. Verum  
 cum singuli encomia omnium, omnes pro  
 meriti laudes singulorum, distinctim eorum  
 Nomina veniunt in paginam celebranda.  
 \* CESLAUS itaq; optimè Antenatorum  
 Suorum consolatus est famam, dum hono-  
 res, quos cum Sangvine à Majoribus in se  
 derivates accepit, maximos reddidit, ita vi-  
 tæ suæ momenta disponendo, ut quanto pro-  
 vectior

\* Filios tres Heredes relinquit. \* Ceslaus KOKIELSKI & Frater ejus DOBIESLA-  
 US HEDVIGIS Regina intimi Aula Proceres.



vector ætate, tanto procerior probitate super alios excelleret, inter intimos aulae Proceres HEDVIGIS REGINÆ, non sine invidia multorum primus adoratus. Quanta illius in perennes ætatum tractus æstimatio, ei fuisse Regnatrici à Corde, cui & vitæ sanctimonia sceptrum in Cælis, & honoris regij excellentia thronum posuit in terris. Nemo non facile apud se concludit, debuisse pariter fuisse & dignitate, quam adeptus dignissimum, & morum probitate, animi candore in Superos & Supremam Regni istius potestatem, æstimatissimum, intaminatissimum. Dextrum hic, sinistrum alter DOBIESLA-VS uterq; in gratias & favores Regios apertum stipavit latus, quasi nunquam securior & firmior stare posset Majestas, nisi his duobus innixa fulcris, ab utroq; latere teneretur. Verè Regia solis, an regnatoris solij sublimibus alta columnis, eminuit. Et licet Præduce DOBIESLAO KVROZWECCIO CASTELLANO CRACOVIANSI PATRVO SVO, Principali SENATVS Anteambulone ad ejusmodi culmen processerunt, prius tamen meritum planarunt & straverunt viam; quid enim officit aliorum commendatione ad alta eniti, cum totius Orbis sensu promulgetur, quod virtus promotore carens, non surgat in altum. Æstimavit, gratias egit



egit Reginarum prudentissima pro addictis  
 suæ majestati Ephestionibus, at quos lateri  
 admovit. prius integerrimo corde, ipsa a-  
 morem conciliante vittute. adamavit. Opti-  
 mē & Tuo imperio, & Tuæ ultimæ voluntati  
 consuluisti Regnatrix! ex paucis delectos ad  
 Tui assistentiam throni KOBIELSCIOS e-  
 ligendo. Pietas illorum in superos, fideli-  
 tas in Regna & Reges, nemini unquam pal-  
 mam celsit. \* Nec NICOLAVS in Regum  
 favore & affectu extitit non æstimatus, in  
 Aula VLADISLAI IAGIELLONIS Ma-  
 gnus Minister, aliter non contentus suum im-  
 plere ministerium, nisi & consilia contra ho-  
 stes Patriæ ministraret, & dexterrima manu  
 cum IOANNE OLESNICCIO contra  
 Crucigeros decertaret. \* Quas ex profligata  
 hostium acie legit laureas, his Iagiellonicum  
 manipulū cum plausu totius equestris ordinis  
 redimivit. Tantis VLADISLAVS belli succes-  
 sibus per NICOLAVM delectatus, quem in  
 acie triumphatorem suspexit, etiam cum  
 ZIEMOVITIADE Episcopo Plocensi, Vi-  
 ctorem animorum destinavit; ut VITOL-  
 DVM ad pacis fœdera inclinarent. Et absq̃  
 dubio sensit istius Gallicani Herculis aureas  
 oris catenas VITOLDVS suo cordi injectas,  
 dum porrectam in perpetuæ tranquillitatis  
 signum extendit manum, quam alias ensi strin-  
 gendo

E2

\* Nicolaus KOBIELSKI Magnus Minister. \* Crucigeros profligat. \* Ad Vitoldum  
 Legatus.



gendo in cædes populorum aptavit. Ejusmodi gloriosissimè functus Legationis Officio ab *HEDVIGE REGINA* fatis cedente cum *PETRO EPISCOPO* & *JOANNE TENCZYNIO* ultimæ voluntatis executor Deputatus, quàm probè omnia executus, quàm fortissimè cum *ZBIGNEO OLESNICCIO* penes latus Regium ad *GRVNDEVALDVM* confligit, Belzensis Castellaniatûs purpura datè evidens testimonium, quàm à Rege non jam murice, sed proprio meritorum colore tinctam superinduit. \* *IACOBVM* tandem ex *NICOLAI* Fratris Nepotem verè Filium tonitruum Othomanica senserunt castra, cataphractæ Crucigerorum extimuerunt cohortes Iovem fulminantem. \* Sub *CASIMIRO III.* Rege, Legationis Ratisbonensis ad *FREDERICVM CÆSAREM* in negotio cum Crucigeris Secretarius, vocalem se nominis æstimatione, non modo per Poloniæ Regnū, sed & per totius imperij vastitatem effecit, illa activitate, illo zelo, illa animi sapientia commissum opus exantlando, quam Cæsarea majestas optimè suspexit, & Regni ordines semper venerati. Sub Avita illius *ROSA* fidelissimè latuit, omnis rerum compositarum tractatus, donec in effectu ad solatium prodiret singulorum. \* Tandem dum *DANIELEM KOBIELSKI* Iudicem Terrestrum

\*. Castellanus Belzensis. \* Jacobus KOBIELSKI. \* Ad Fredericum Cæsarem Legatus. \* Daniel KOBIELSKI Judex Terrestris Buscensis.



restrem Buscensem SIGISMVMDI III. Con-  
filiarium à corde mente reminiscimur, plus in  
illo sese exhibent peculiari cultu adoranda,  
quàm quibusvis oratoriæ svadæ pigmentis a-  
dornanda. Terrestres illius causas, quas sapi-  
entissimo probavit & decedit iudicio, cœlum  
& solum pro ratis semper habuit, nemo non  
contentus ab ejus judiciaria sententia reces-  
sit, sola injustitia quæ palmam æquitati præ-  
ripere exambijt mæstum induta habitum sem-  
per recessit. Lites contentiosas ita expor-  
recta aure ab utraq; parte audijt, ut à medio,  
in quo omnis consistit virtus ad extrema nun-  
quam deflecteret, tutissimo æquitatis pro-  
cedens tramite, nec impotentiores à poten-  
tioribus opprimi passus, nec hos ubi justitiæ  
intervenit causa sine debito jure abscedere  
permisit, omnium jurgia ita decumano ratio-  
nis componens iudicio, ut singuli in ejus sen-  
tentiam jurantes audirentur. Porro in re-  
gni negotijs quoties difficultatum occurrebat  
nodus resolvendus, hunc ille majestati ad pla-  
citum, Reipublicæ ad utilitatem, externis  
ad prodigium dexterior Macedone, semper  
resolvit. Vnius, mentis sensus, omnium  
sentimenta absorpsit. Sed quoniam in firma-  
menti facie Astra recensere multò magis illo-  
rum splendorem, quem in hæc vibrant sub-  
lunaria difficilius computare; nec nobis est in-

F

inten-



intento ultra id, quod impossibile reputamus  
procedere, nam Tuos ANTISTES *ILLUSTRISSE* vel-  
le in ordinem redigere Antenatos, illorumq;  
inocciduum super hoc sublunari & superlu-  
nari Orbe lustrare famam, planè inenarrabile.  
Sufficiat jam ad proximiores tuos accedere  
Prædecessores.

Primum hic vernantissimi re & Nomine  
FLORIANI PROAVI TUI celebranda oc-  
currit claregestorum florentia. \* Esto fer-  
reis illis temporibus, quibus aurea in com-  
pedes ire cogebatur pax, nullus Heròum su-  
peresset,, qui animaret ad conflictum, præ-  
iret exemplo ad victoriam, duceret castra  
hostium in triumphum, solus ille sufficeret  
pro cunctis. Sensit multoties istius magna-  
nimi Heròis fulgorem gladij, toties ecclyp-  
sata Orientis Luna, doluit non semel atton-  
sam, & vix non cum capite abscissam Leo  
Sveticus jubam, expeditæ Septemtrionis A-  
quilæ, tonitrua belli spontè ungvibus dimi-  
serunt, hoc Iove non regnatore sceptro, sed  
triumphatore chalybe ictum prohibente.  
Lateres alij in excelsas murorum strues com-  
positos obijciebant hostili impetuj, ut secu-  
riùs permanerent, hic ut dilectam tutaret  
Poloniam pro muro latera opposuit, vitæ suæ  
prodigus, ut alij extra mortem essent immu-  
nes. Non sic Hectore protegente intrepidi-  
da

\* Florianus KOBIELSKI Proavus Illustrissimi PRÆSULIS Heros insignis.



da perstitit Troja, non sic Turno dimicante  
 pacatum mansit Latium, non sic Annibale  
 defendente secura quiescebat Carthago, non  
 sic Scipione præliante vincebat Roma, ut  
 Polonia Tanto illam Equite propugnante tri-  
 umphabat. Taceret procul dubio suum Ma-  
 ro Æneam, non caneret Achillis certamina  
 Homerus, Pompeium aut Iulium non cele-  
 braret Lucanus, Stiliconis non excurreret in  
 elogia Claudianus, omnes in unius FLORI-  
 ANI elogia conspirassent Panegyristæ, si il-  
 lis Annorum lustris talia tantaq; egisset. \*

Adsternit deinde profundissimum *Avo Tuo*  
 SAMVELI KOBIELSKI venerationem  
 svada Oratoria *PRÆSUL MAXIME* meritò Ca-  
 put ultra omnes erectura, si illum de congruo  
 saltem, ut promeruit veneretur. Verè ma-  
 gnum illius Israëliti populi re & nomine ex-  
 pressit Vatem, nihil vaticinatus Patriæ non  
 faustissimum toties, quoties suis innixa  
 consilijs remedia providit, ne prævisorum &  
 prædictorum ab eo malorum mole premere-  
 tur. Imo ipse quæ primus certò eventura in-  
 nocumentum boni publici advertit, primus a-  
 vertere laboravit. Non ita superstitiosa an-  
 tiquitas Delphicis pendebat ab Oraculis, ut  
 Siradiensis Palatinatus à suo SAMVELE, in  
 difficillimis facilè, in turbido tranquillè, in  
 periculosis tutissimè, in prosperis ad caute-



lam semper eruditus. Non fuit è numero il-  
 lorum, quorum pulchra nomenclatio sed tur-  
 pis morum Actio, Honorios se jaçant alij, cum  
 nihil exhibeant honorandum; Constantij  
 exambiunt promulgari alij, cum inconstantes  
 in singula mutantur momenta; pretiosi ali-  
 quid in Aurelij vocabulo obtrudunt alij, cum  
 interim agant, nec plumbo æstimanda. A-  
 VUM TUUM *PRÆSUL ILLUSTRISIME*. suffi-  
 ciebat vidisse, & illico vivam SAMVELIS  
 Ideam in ejus vultu adorasse. \* Tribuni Sira-  
 diensis munus, & cum honore onus quam glo-  
 riosissimè exantlavit, quàm triumphaliter suæ  
 militiæ præivit, sequi vestigia paucis con-  
 cessum, assequi nullis. Tam ardua frontem  
 non asperavit occasio, cui obviam Macedo-  
 ne animosior non exiret, nihil tam fatale exo-  
 ticus attentavit Mars, quod exhorresceret,  
 paratus suum discrimini obijcere caput, mo-  
 do Corpus Patriæ illæsum servaretur. Non-  
 plus Africano Scipione bellica signa expli-  
 cante gaudebat Roma, quam exultabat gens  
 Lechica, victrices in labaris Aquilas volitan-  
 tes, hoc Tribuno, contemplata. Terribilis  
 alias Moscua toti Orbi, nullum expavit, ad  
 ejus sonum Nominis non nisi tremuit, utpo-  
 te triumphali chalybe inflicta ab eo tot vici-  
 bus dolendo cicatrices quot vicibus insana-  
 bile vulnus Patriæ attentabat.

\* Nec seipso tantum, sanitate suâ, vitâ, san-  
 gvine,

\* *Tribunus Siradiensis.* \* *Proprio Sumptu fovet & regit militū cohortē.*



guine, contentus protegere libertatē, etiam fortunæ non pepercit, proprijs sumptibus fovit & rexit militum cohortem, cujus præsidio tuta ab hoste maneret, hoc factō palam professus, plus se commodum Boni-publici quā privatum æstimasse. \* Tempore civilis belli sub IOANNE CASIMIRO in Rege totum servaturus regnum, pectus telo opponere non dubitavit, acerrimus majestatis defensor ad *Matwy* jaculo saucius esse maluit, ut proprio vulnere medelam ferret Regnatori. \* Quanta pollebat sapientiæ excellentiā, judicij gravitate, æquitatis zelo & amore, omnia singulorum in unum conspirata probant vota, quando ad decidendas Interregno durante causas Siradiensis Tribunalis Mareschalcus est Electus. Profectō refloruit in manu ejus Mareschalcalis Scipio, novos justitiæ fructus omnibus ad gustum proferendo. \* Pro corona tandem & Coronide ANTENATORUM TUORUM, qui per ROMANAS SUMMORUM PONTIFICUM Sedes, Cardinalium curules, Præsum Stalla, Præsulū Cathedras, Palatinorum & Castellanorum solia, publicasq; Regnorum & Ministeriorum functiones eminerunt, Ecclesiæ ad decus Regnis ad præsidium, Patriæ ad tutelam & robur, sibi ad perennem gloriam venit peculiari adorandus Panegyri NICOLAVS KOBIELSKI Pa-

G *rens*

\* *Ad Matwy jaculo saucius.* \* *Tribunalis vulgo Kaptur Mareschal:*

\* *Nicolaus KOBIELSKI Parens Illustrissimi Antistitis.*



rens Tuus *PRÆSUL ILLUSTRISIME* Viro-  
rum in Palatinatu Siradiensi apex & com-  
pendium, consiliorum augustale, absoluta  
Virtutis norma, quem etsi undequaq; non  
cingerent denso agmine castra meritorum,  
hoc unicum sufficeret illi pro summa gloriæ,  
quod Te talem genuerit Filium, qualem re-  
troacta diu suspirabant, & expectabant sæ-  
cula, nec habere meruerunt nisi præsentia,  
Facile quisq; apud se inferre potest conse-  
quentiam, quàm deliciosa Arbor esse debuit,  
quæ tam fravem Majestati, Senatui, Clero &  
Populo fructum germinavit. \* Venatoris  
Siradiensis functus Officio, illas inter anale-  
cta satagebat proponere feras, quas è trium-  
phalium sylva laurorum profugas in Martiales  
compulit casses, plumbea glande sauciatas an-  
potiùs satiatis Regni mensæ optimè novit ar-  
ridere. \* Nuncij ad generalia in Regno  
Comitia aliquoties sublimatus charactere, in  
publica illa Senatûs facie, quo splendore oris  
radiaverit, æquè multis videre fuit, ac invi-  
dere. Pleni sunt sententiarum còdices, quas  
profudit, quodsi publicum lucis non prode-  
unt sub aspectum, privatus tantæ eruditionis  
vetat amor, ut habeant in promptu, qui ex-  
peditiores fuerunt, ut notarent, tradantq;  
secuturis velut gemmas. \* Magno plurimi  
habent in honore, si vel semel ad trutinan-  
das

\* Venator Siradiensis. \* Ad Comitia Regni Nuncius. \* Ad Tribunal  
pluries Index Deputatus.



das in Tribunalibus causas Iudices deputen-  
tur, Regisq; absolutâ fungantur potestate,  
Progenitori Tuo hereditarius quasi extitit  
iste honor, nimirum eo ipsum corde Tribuna-  
litia complexa Astræa, quo optimos sui A-  
matore affveverat complecti. Tritam aliquo-  
ties ad Petricoviensem Curiam effecit viam  
magnus Æquitatis Arbiter & Iudex, reli-  
quitq; post se sequenda vestigia, non tamen  
facile coplausu, quo illi solenne fuerat asse-  
quenda. Mareschalcali assidens lateri; nun-  
quam aliò suæ mentis direxit sensum, nisi quò  
recta judicij statera inclinavit, in se Iudice  
Solem exprimere volens, æquali omnes cau-  
sas intuebatur aspectu, ita solabatur innocen-  
tes, ut nec nocentes ultra modum despera-  
rent. Felicior nihilominus apud eum nulla  
causa fuit, quam infelicium & miserorum, pro  
illis perorabat disertius, qui nullum habue-  
runt Patronum. Deniq; ut compendio res  
absolvatur ingentibus nonnisi fastis & volu-  
minibus complenda darent Boni Superi; O-  
mnes illi similes in Republica Viros, in re-  
rum experientia versatos, prudentiâ graves,  
pietate Sanctos, zelo justitiæ incorruptos,  
fortitudine invictos, consilijs maturos, & pro-  
cul dubio aurea quondam sæcula extra Polo-  
niam in Italia non essent inquirenda.

Aliquantulum digressa ad Tuos Antena-

G2 tos



tos Panegyris iterum prono cervicis flexu ad  
Te regreditur *PRÆSUL ILLUSTRISIME* ve-  
niam enixè postulatura, si tam Magnorum  
immortalem Nominum gloriam, non jam il-  
lustravit, quam potius obscuravit. Novimus  
enim non tantum ad Zeuxis setam, aut Apel-  
lis penicillum, (id est celeberrimorum in ar-  
te pictoria Magistrorum colores) splendere  
imagines, etiam ad insertas rudioris artis um-  
bras magis prominent. Vasta cælorum sphæ-  
ra æquè recto dignatur oculo, jucundè modu-  
lantes philomelas, ac stridulum quid canen-  
tes cicadas. Et hæc laudum gutta Orato-  
rio excussa calamo, licet nullam proportio-  
nem habere videatur, cum Tuo Sanguinis  
Archipelago, pro aliquo tamen, non pro ni-  
hilo reputanda. Nunc Te ipsum solum habe-  
mus nostræ intentionis pro scopo, Te  
mente recalemus, Tuæ Stemmaticæ odore  
*ROSÆ* recreabimur, Tua vitæ exordia, pro-  
gressus Annorum, ingentes Animi qualitates,  
fortunam, honores de propinquo adorabi-  
mus. Liceat igitur ab ortu meridiem con-  
templari, à flore juventæ maturum ætatis frū-  
ctum demonstrare. \* Nihil vile Lucina Tuis  
stravit in cunabulis, primo vitæ momento quo  
publicam aspexisti lucem, statim Sacrosancto  
fortuna se Tibi obstrinxit juramento, tribu-  
tarius in adorationem profilijt honor, cum  
fascijs

\* *Tenera ætas Illustrissimæ PRÆSULIS.*



fascijs fasces obtulit, purpuras cum violis suo quondam ANTISTITI & SENATORI deposuit. Nec-dum tremulos formabas gressus, & jam videbaris animo circuire Regna & Provincias, lustrare imperia, qualiter grandium expers negotiorum prodesse Patriæ, cælos ipsos pia mente notabaris ingredi fixiùs considerans, quomodo Divorum vivam in Te exprimeres sanctimoniam, consummataq; perfectionis norma Clero & Populo extitisses. Cum lacte ad maximas in Regno dignitates omnium iudicio censebaris Candidatus, Alios crepundia & ingestæ manibus nuces oblectabant, Te de aurea torque pendulæ Cruces exhilarabant, infantilibus expressas pupillis lachrymas nihil faciliùs sistere potuit, quam objectus libellus, humanarum Divinarumq; Legum characteribus descriptus. Nimirum aurora grande prodit oriturum luminare, quo totus serenetur universus, infantilis adhuc ætas Tua, signabat facilè, quantum Ecclesiæ, quantum regno in provectiori annorum tractu eras profuturus. Prima vitæ linea, index est ulterius consummandæ. Crescebas deinde annis, sed non sine augmento pietatis, modestiæ, verecundiæ, magnanimitatis; neminem Tibi æqualem, nisi, Te ipsum agnoscens. Si aliquando provocabaris à Coætaneis in lusus, augusta mente cum Macedone reponebas,

H. bas,



bas, libenter te id facturum, si decertaturus  
Tecum Statores sis habiturus. Dulciarijs &  
alijs appetitus oblectamentis mulcetur hæc  
ætas ad flectenda in preces genua, ad devotè  
jungendas manus, Tibi maximis fuit in deli-  
cijs ille cibus, quo mens reficitur non corpus.  
Adire sanctuaria prostrerni ante Aras suppli-  
ces in cælum attollere palmas summa volu-  
ptas, discolos moribus, exosos pietatem, ob-  
noxios levitati videre maxima animi Tui tor-  
tura. Talia tantaq; attentius in Te intuiti  
Parentes. Consanguinei, Vicini, domesti-  
ci & advenæ, illa de Te formabant omina,  
quæ nunc patent singulis ad oculum in ipsa rei  
veritate. Alij suæ Genesis grande decus,  
alijs Patriæ columen, alijs Ecclesiæ fulcrum,  
alijs Regum Cor, Senatûs frontem, Pontifi-  
ciæ ornamentum Mitræ, pro suo quisq; arbi-  
trio, omnes tamen verissima de Te autuma-  
bant. Scilicet facile collegerunt, ex primis  
vitæ Tuæ lineamentis, quam absolutissima  
probitatis, æstimationis, honoris esse debue-  
ras imago. Percrebuit fama toto Poloniæ  
Regno de tanta KOBIELSCIANÆ Domûs  
indole, remotas etiam sese diffudit forsitan in  
oras purpurascens ROSÆ fragrantia, quan-  
tam protinus de Te Scholis, Universitatibus  
movisti litem, quævis harum tam nobili flore  
exambiebat suum eruditionis ornare viretum,  
fin.



singulæ in obsequium promptissima, ferebant  
vota, invitabant ad majestuosam sapientiæ augu-  
stalia, parabant Cathedras, proportionatos  
tali Discipulo Professores & Magistros osten-  
tabant. Mater illa Scholarum, tot Regum  
privilegijs dotata, tot tantorumq; Procerum,  
Antistitum, Principum educatione, famosa  
Cracoviensis Academia, pansi Te suum in  
gremium invitabat ulnis, dulce lac pietatis &  
doctrinæ spontè offerens, modo Te Nobilissi-  
ma prole, tot inter Regni Filios gaudere me-  
ruisset. E! diametro Varsavienses Athenæ,  
vocem interturbabant postulantes, ob oculos  
jam majestatis viciniam, jam Purpuratorum  
frequentiam, jam diversis è nationibus con-  
fluentem primæ notitiæ populum, jã palatio-  
rum multitudinem & nitorem, jam æquè pa-  
res ad Societatem, æmulationem, amorem,  
cultum, remonstrando soboles, omnem acti-  
vitatem, industriam in Te formando fide ju-  
rata, obtestata; hæ necdum sua prompsere  
postulata, en invidiæ percitæ æstio Zamoscia,  
Leopolis cæteræq; insigniores Metropoles  
docta obtrudebant Lycea, ex quibus elo-  
quentiâ Divinus Plato, Scientiâ Aristoteles,  
DEI divinarumq; cognitione rerum alter pro-  
dires Augustinus. Solæ nonnisi Petricovienses  
Scholæ Piæ ad Tuæ ROSÆ purpuram, vere-  
cundiæ indutæ habitum, sua amplissima in

H2

Te

✠ Petricoviæ Scholæ Pias frequentavit.



Te expromere desideria non sunt aufæ. Sed  
ut Numinibus ad hæc terrarum ima se demit-  
tere solenne, ita & Tuo Augusto Nomini in  
angustiore scribi catalogo fuit plausibile.  
Quibus Te gestientis animi indicijs Scholasti-  
ca Siradiensis Iuventutis castra salutarunt  
suum Antesignanum & Ducem, quibus illa  
dies ex Tuo ad Scholas Pias adventu resonuit  
triumphis, aggratulationibus, plausibus, quo  
Te cultu, quo amore suscepere Classium  
Præceptores, enarrant, qui sunt superstites,  
qui illi felicitati præsentibus adesse non meru-  
erunt; ex ivavi odore Gentilitiæ Tuæ RO-  
SÆ colligunt, cujus impresso Scholis odore  
hactenus ineffabiliter recreantur. Accessi-  
sti tenellis illius districtus membris caput  
principale, Capitibus corona, coronæ Iuve-  
num pretiosissima gemma & clenodium. Ex  
illo ipso tempore aliter æstimari cæpere Pe-  
tricienses Scholæ Piæ, postquam ejusmo-  
di sanguinis thesauro sunt potitæ. Quid enim  
ad conciliandum pretium & æstimationem  
Scholis illis in Te deesse potuit? nascentis  
cunabula spectamus? maximis Antenatorum  
strata purpuris conspiciamus; morum exempla-  
ritatem intuemur? Ideam Te omnis pietatis  
modestiae, affabilitatis, submissionis etiam er-  
ga minimos, proni adoramus, capacitatem ad  
quævis in genere & specie studia literarum  
explo-



exploramus? immenso similem Oceano miramur, in quam etsi tot liberalium artium & Scientiarum involarunt flumina, nec dum tamen expletur. Profectò torvo sprevisset oculo non docilem Achilles Chironem, protervum Arsenius refugeret Theodosium, Aristoteles longe fortunatior extitisset, si in Te majorem Magno Alexandro Discipulum illis temporibus incidisset. At nostræ gloriæ id Boni Dij reservarunt privilegium, quod Te hoc sæculo nascendum, nunquam violando decreto statuerunt, ut Petricovienses Scholæ Piæ, Provincia Polona, imo tota Religio haberet, unde de Te in sui appretiatione exultarent, subq; Tua amplissima protectionis dextera securè permanerent. Sed ut has præstantissimas animi Tui dotes etiam cum exotico partires orbe, indeq; caput Orbis Roma facilè intelligeret ex uno, quantis Lechicum clima abundet ingenijs, Philosophicis Te, deinde Theologicis consummandum obtulisti speculationibus, perfectam ut octo intelligentiæ vastitatem Tarpeijs inferendo collibus, ipsi Vaticano primò mirandam, deinde honorandam capacitatem remonstrando. Diu hæc immota Ecclesiæ Petra, humanæ pariterq; Divinæ Sapientiæ Magistra (Roma inquam) fixis substitit cogitationibus, quos ad soliditatem doctrinæ

I

Pro-

\* Romæ Philosophiam & Theologiam audit.



Professores destinaret, quibus Te imbuen-  
dum credere debuisset Scientiarum Doctori-  
bus, cui pro coronide gloriæ commendaret  
Academiæ. Introivisti tandem omni eruditio-  
ne excultorum Pantheon Numinum, ipse Nu-  
men, & brevi spatio supra Platones Aristote-  
les, supra Doctores Theologiæ redivivus A-  
quinas, Discipulus supra Magistros, suspici  
ab omnibus, æstimari à singulis meruisti; Nil  
in Eurippo fuit tam altum, quod non attinge-  
res, tam tortuosum, quod non assequereris;  
abyssus Thomæ, quæ alias multorum in ver-  
tiginem egit capita, Tuo nonnisi lustranda  
intelligentiæ oculo capax extitit. De rerum  
naturis profundè, de supernaturalibus altissi-  
mè disputasti. Alijs spinæ Logicæ in pun-  
cturas, Tuo Capiti coronando in Rosea ferta  
cesserunt, De cælo elementis, & quæ his  
continentur ita altissima per causas à priori  
processisti ratione ac si præsens fuisses, quan-  
do hanc universi molem Increata disponebat  
Sapientia, ex abysso nihili producebat Omni-  
potentia, De inscrutabili Sss. Trinitatis Myste-  
rio, super quo concipiendo Augustini mens  
hærebat, sine errore; de Unione Hypostatica  
appretiativè, de efficacia gratiæ inconcussè,  
de Divinis Decretis Sanctè, de Visione Beati-  
fica, ac si in via fuisses comprehensor clarissimè  
omnia percepisti, deniq; nullum Theologiæ  
obvium



obvium habuisti tractatum, quem facillimè non tractares. Iam tantæ Tuæ Sapientiæ Doctorales in tænias sinuabuntur laurus, parabantur annuli, formabantur torques, nisi factum de Te jurgium Viros inter scientificos, Sedis Apostolicæ diremisset Authoritas. Iudicavit nimirum summus mundi Orthodoxi Arbiter pulchrius hoc sub Infula radiaturum Caput, quam si Doctoralibus laureis cingeretur. Et maximæ sint ipsi gratiæ, quod Tibi ad hanc Præsuleam dignitatem, quæ excellis, proportionatum stravit gradum, illi Te Canonikorū associando Cætui, illi Prælatorum incorporando Collegio, ex quo ceu Antistitum Seminario, Pontifices aureo suffulti pedo, ad Sacri Senatūs ornamentum, ad moderandas in Regno Diœceses invitantur. Erige Cracoviensis Vavelle Caput, desideratissimum Hospitem deciduā veneraturus ceruice, quem Tibi summa in orbe potestas reddit omni honore prosequendum. Minimè erravit, quem Divinum assistrice gratiā inspirat pneuma, ad quem totius Ecclesiæ sentimenta aut approbanda, aut corrigenda devolvuntur, dum Canonicali Stallo dignissimum KOBIELSCIVM judicavit. \* Non hic metam posuit Sedis Vaticanæ erga Te favor, etiam Rectorem Nationis Polonæ speciali designat privilegio, ut quotquot in Regno



haberes Patriotas, majorem Te illis non vana  
de Te opinione reputares. Filij illi, Tu Pa-  
ter, grex illi Tu Pastor, moderandi illi, Tu  
moderator es Præfectus. Convenientissimè  
decurrit, ut qui Reginam florum præfers in  
Stemmata ROSAM supra Gentem Lechicam  
regimine emineres. Causas singularis pro-  
pensionis quam erga Te Successor Divi Petri  
exhibuit, curiosiore indagine non lustramus,  
quia sole clariores in Tua Natalium dignitate,  
exemplarissimâ conversatione, sapientiâ, pa-  
lam Romæ ante oculos effulserunt. Amant  
pleriq; magno fortunæ impendio sacra Apo-  
stolorum invisere limina, non ut sanctiores  
inde redeant, sed ut in illo Orbis compendio  
faciliùs videant, quid rerum agatur in universis  
Regnorum disterminijs, qui mores, quæ ve-  
stium pompa, qui venientium & abscenden-  
tium fluxus & refluxus, quæ palatia, turre,  
templa, quo situ & dispositione hæc occi-  
dentalis quiescit Vrbs, quibus in virida-  
riorum amænitate, aquarum irrigatione pla-  
tearum nitore abundet delicijs, indeq; mate-  
riam discursus habeant prurientes audienti-  
um sensus onerare; à Tuo corde procul hic  
aberat bonæ intentionis Scopulus, appulisti  
desideriorum velis ad hoc totius mundi empo-  
rium, venerando Tiberim transcendisti cal-  
caneo, patentes Tuo adventui ingressus es  
por-



portas, medius inter Sacras stetisti Basilicas, ut optimus animi, qualitatibus melior revertereris, & quem omnes imitari debuerant, imitator singulorum in virtute, sapientia, sanctitate extitisses. Cunctorum in Te vertebantur oculi, nec satiari potuerunt, Tu cunctorum integerrimos videbas mores; ut in Te protinus invidendos exhiberes, vivum Te speculum repræsentans, quod dum mediante luce recipit in se objecta, reddit illico. Versabaris inter doctos quasi doctrinæ indigus, cum eâ fueris plenissimus, visitabas frequenter Sancta Sanctorum, procumbebas supplex ante aras, sacra dulciter svaviabas lypsana, fundebas preces, indulgentiarum cumulabas thesauros, vitæ innocentia ditissimus, Immiscebaris purpuratis Patribus lilijs candidiorem præferens animum, nihil amplius supererat, nisi ut eorum commendatione, quis quantusq; sis summo innotesceres Pontifici, quem ut vidit, disertissimè perorantem audiit, illico protensa in benedictionem dexterâ honoravit, toto pectore adamavit, suæ gratiæ privilegijs auxit. \* Incidit tandem Tibi in Animum *PRÆSUL ILLUSTRISIME*, ut Te tot votis & suspirijs præstolantem inviseres Patriam, & ecce felicissimè venienti Præmialis insignis potestatis offertur manibus, ante *CELSISSIMUM STANISLAUM SZEMBEK* Regni

K Pri-

\* *Redux in Patriam Cruciferum Celsissimi Primatis agit.*



PRIMATEM præferendum. Quantum majestatis & pompæ illi accesserit de Tua præsentia, illum videlicet præeuntem sequendo, aurea Cruce refulgentem; quem ab ipso Summo Præsule collati honores pulcherrimo comitabantur famulatu. In privato volupe illi fuerat dulci Tecum recreari colloquio, in publico Tecum apparere gloriosum. Sive regnatorium accedebat thronum, ingrediebatur Senatum, sive veneranda adibat sanctuaria, Te suo Præduce incedebat triumphaliter, Salutis hoc nostræ trophæum, quod manibus ante Principem, Regni attollebas, prodromum fuit Præsulei Pastoralis, quo nunc fulciris.

\*. Majoribus Te deinde hic purpuratorum Princeps Patrum prosecutus est favoribus ut Filium, Cancellarij munus conferendo. Observavit nimirum in Te illam Oris gratiam illud eloquentiæ nectar, illam ad expedienda quævis negotia activitatem, in qua Tibi nullus palmam præripuit. Occurrebant Statûs & Diæcesum negotia? cunctorum Tibi arcana pandebantur, danda fuerant expectantibus responsa, Tu Os Primatis singula expromebas, Rosas non verba proferendo.

\*. Inaudiit tandem de Tua in jure peritia, de notitia legum, de innato Tibi justitiæ amore Tribunalitia Themis & anhelis optabat suspirijs libram æquitatis Tuo moderandam judicio

\* Deinde Cancellarium.      \* Tribunalis Regni Vice-præsides.



cio consignare, ut quid litigantes decerneres inter partes Sacrosanctum ab omnibus haberetur. Satisfecisti proinde plurimorum votis, & protractæ in dies expectationi, quando inter confluentes ex varijs terrarum partibus Iudices, Deputatos, Vice-Præsidentis Tribunal accessisti. Expalluerunt ad Tui vultus maiestatem scelera, ultorem suis cervicibus impendere rata gladium, è contra pressas oculis lachrymas absterfit innocentia, quia suæ oppressionis Vindicem salutavit. Timore perculsi mentem abijciebant non bene sibi consciij, at reasumebant audaciæ vires in justis causarum processibus planè desperati. Esto fuerint qui respiciebant munera, Consanguinitatis retrahebantur amore, ne consonam æquo pronunciarent sententiam, Te nec ultro oblata etiam sine corruptione justitiæ munera allicere, multò magis emollire potuerunt, quin durius ageres cum perversis, nec quod privatus dictabat affectus, sed quod distributiva suadebat justitia, auscultabas. Ut timereris ab omnibus, neminem formidabas, ut à reis etiam amareris, despiciebas nullum, in hoc pretiosior omnibus, quod omnes pretium apud se habuerunt. \*. Te Iudicum Vice-Præsidente & Causarum Arbitro, novus iterum extra Athenas Arcopagus censebatur erectus. Sic ubi Te infractum in sustentando

K2 ju-

\* Episcopus Adrianopolitanus & Suffraganeus Cujaviensis & Pomeraniæ.



justitiæ cælo Succollatorem probasti Alciden,  
Præsulei deinde Provincia honoris occurrit ac-  
ceptâda. Hæsisti dubius intra Te aliquantulū,  
num sufficientissimos huic oneri portando  
suppositurus eras humeros, noveras enim o-  
ptimè statum hunc, ut esse perfectissimum,  
ita non sine prudenti deliberatione amplectē-  
dum. Pensasti Pontificiæ dignitatis excellen-  
tiam, sed & proportionatos eidem labores, fa-  
tigia, matura judicij lance ponderasti. Hinc  
Tibi Adrianopolitanam Roma offerebat Ca-  
thedram, illinc Celsissimi nunc Primatis Re-  
gni CHRISTOPHORI SZEMBEK pro  
tunc Antistitis Vladislaviensis & Pomeraniæ  
urgebant vota, ut suum ageres Suffraganeum,  
aliunde totius Diœcesis suum Pastorem fide-  
lium suspirabant greges, tam arctas certantiū  
de Te affectuum actus in angustias, quid age-  
res? Cardinalitio aptum caput habendo bire-  
to, primæ illud Submisisti Insulæ coronan-  
dum non aliter, quam ut Te formam gregis  
ex animo demonstrares. Quantis illico Te to-  
tum victimasti laboribus! Sacro ceromate un-  
gendus confluebat Clerus, Tua cum omni fa-  
cilitate singulis obviabat benevolentia; pa-  
bulo verbî Divini reficiendus stabat populus,  
nunquam ieiunum, dimittebas, ne fortè in viâ  
salutis fatiscerent; plures fuerant, qui Tuæ  
cælestis doctrinæ capti illicio, rei domesticæ

&



& suorum obliti commodorum, horas etiam  
indies & noctes protracturi, nisi Spiritus prom-  
ptitudinem infirma caro temperaret. Oderas  
nimirum illum dicendi & docendi modum,  
qui inflato buccarum fastu intumescit hyper-  
bolicis supra fidem laborat superlationibus,  
inimicis simplici veritati abundat cōceptibus,  
ratus hæc omnia aures nonnisi prurientes mul-  
cere, sed non cor in amorem honesti, hor-  
rorem vitiorum emollire. Alia Tua fuerat  
eloquentia, fundebas ab ore gemmas, sed  
quæ animam non aures ornarent, modeste  
pravos redarguturus mores rem periphrasi in-  
volvebas, sed ut efficacius cor influeret, Sa-  
cræ Scripturæ arcana referabas subtilissimè,  
sed quæ rudissimus etiam intelligeret. Imo  
cum Doctore gentium Paulo omnibus omnia  
factus, scivisti pro qualitate Personarum co-  
ram doctis eruditè, coram simplicibus clarissi-  
mè; coram Regibus Principibus & Dyna-  
stis majestuosè, resonare, non alio intento,  
quam ut cunctos cœlo lucrifaceres. Quid  
verò de Tua in Superos pietate, de genero-  
so luxûs contemptu, de pervio cuilibet ad  
Te accessu, de Orationum fervore, de soli-  
tudine pastoralis dicemus? silentio hæc &  
alia quam plurima, defixa in stuporem admi-  
ratione, loquemur, ne Tuæ injuriam mode-  
stia inferre videamur, qui non aliter, quam  
per despectum laudis humanæ vis esse glori-  
osus,



osus, adeoq; verissimè laudandus. Qui Te  
 Divini officij pensum exsolventem, Sacrosan-  
 cta ad altare mysteria tractantem, pijsimo  
 in genua flexu prolabentem, videre à Supe-  
 ris meruerunt, hactenus vivam sanctitatis I-  
 deam mente retinent, quā ad Te imitandum  
 singulis diebus excitentur. Circa templi nito-  
 re, altarium ornatum, sacrarij compositionem  
 reliquaq; ad cultum Numinis pertinentia, ne-  
 mo Te rigidorem Censorem non expertus.  
 Pulchritudo videlicet optimè dispositæ ad in-  
 tra conscientia foris etiā prorumpit, in amo-  
 re honesti resplendescit. Felicem, Te Suffra-  
 ganeo, Illustrissimum Vladislaviensē pro tunc  
 Præsulem, nunc Principem in Regno maximū,  
 sed & Te Succollatorē illo Atlante fortunatis-  
 simū, duo nimirū ad unius Dioecesis sustentan-  
 dam negotiorū molem supposuistis humeros,  
 vitæ sanctimonia, exēplaritate ad omnes, per  
 omnia simillimi. Luxistis in illo cælo magna  
 duo luminaria, virtutū splendore clarissimi, &  
 nemo in caligine & tenebris se ambulare depre-  
 hendit. Patres luminum, filios lucis effecistis,  
 quotquot Vestrae potestati subjectos habuistis.  
 \* Nunc patet ad oculum, quid Te Serenissimæ  
 IOSEPHÆ AUGUSTÆ III. pijsimæ Domus Au-  
 STRIACÆ Heroidi, maximæ liberæ gentis DOMINÆ & RE-  
 GINÆ invisceravit affectui, ut Tibi suo Cancellario cre-  
 deret mentis abdita, Te interprete, Te suo Ore

to-  
 \* Serenissimæ Iosephæ Reginae Poloniae Cancellarius.



toties majestuosè loqueretur, quoties necé-  
 sitas, ad ejus clementiæ thronū accedentibus,  
 exigebat; quia Te talem pietate Antistitem,  
 sapientia Præsulem advertit, qualem diu  
 exambijt habere, donec in Te incidit. A cor-  
 de itaq; Reginarum Serenissimæ visum est Su-  
 peris, placuit Sedi Apostolicæ, Regum Ma-  
 ximo *AUGUSTO III.* in votis fuit, ut ad Frontem Se-  
 NATUS, ad altiozem Cameneci sublimareris Cathedram,  
 per gradus dignitatum ad Supremum in Re-  
 gno honoris soliū processurus. \* Quantis ille  
 Tuus triumphalis ad Cathedralē basilicam  
 ingressus resonuit plausibus, quantis totam Po-  
 loniam affecit solatijs! Verba in explicando  
 deficiunt Oratorem. Te majestas suum colu-  
 men, Te Cives purpurati suum Patrem, Te  
 Clerus populusq; suum desideratissimū Pon-  
 tificem gratulati. \* Nec diu hæc Metropolis  
 potuit continere Tuæ amplitudinē gloriæ, ite-  
 rum Luceoriam novo complex splendore me-  
 ritorum, post recessum unius primæ magni-  
 tudinis Astri, alterum maximum Oriens lu-  
 minare, brevi in meridie honorum sinē occasu  
 vitæ effulsurus. \* Ingredere ergo *PRÆSUL*  
*ILLUSTRISIME* hoc necdum capax lucis Tuæ recepta-  
 culum, Te publica præcedunt vota, Te ma-  
 jestuosa Antenatorū stipant decora, Tuæ solēni  
 pompæ paterno Maternoq; fæderata Sangvi-  
 nis dextu, *CELSISSIMA, ILLUSTRISIMA, SZEMBEKIO-*  
*RVM, ZALVSCIORVM, TARNOVI-*  

L2

orum,

\* Episcopus Camenecensis.

‡ Deinde Luceoriensis.

\* Colligata Domus.



ORVM, MECINIORVM, PIENAZKO-  
 RVM, DABSCIORVM, WEZYKORVM,  
 OLSZEWSCIORVM, BISTRZONOW-  
 SCIORVM, DOBINSCIORVM, SZPIN-  
 KOVIORVM, PRZILECCIORVM,  
 MORSCIORVM, DEBINSCIORVM,  
 PRVSZKOWSCIORVM, KROBANOWSCIO-  
 RVM, WIZEMBERKORVM, IEDLIN-  
 SCIORVM, KRESCIORVM, ŁACCIO-  
 RVM, CHLEBOWSCIORVM, RA-  
 DLICCIORVM, NIESZKOWSCIO-  
 RVM, MASŁOWSCIORVM, ŁVBIN-  
 SCIORVM, SZCZEPKOWSCIORVM,  
 SIERAKOWSCIORVM, STAWSCIO-  
 RVM, SZYPOWSCIORVM, TVRSCIORVM,  
 PRZERĘBSCIORVM, DEBOWSCIORVM, RI-  
 SINSCIORVM, KAMOCCIORVM, WIEISCO-  
 RVM, RYCHŁOWSCIORVM, WASOWICCIO-  
 RVM, SEDZIMIEROWSCIORVM, CZERNO-  
 RVM, POLESCIORVM, aliaq; millena assi-

stunt Nomina, nos exigua quidem,  
 candore tamen erga Te plena, Pon-  
 tificiæ plantæ Scholastica adster-  
 nimus folia Te in Tua Avita

ROSA Purpuratum Pa-  
 trem, Protectorem proni

ADORAMUS.







JLLUSTRISSE  
EXCELLENTISSE  
&  
REVERENDISSE  
DOMINE.



Non partum ingenii, sed a-  
moris Pignus, pro votivo  
ligamine Tuo dedico Nomi-  
ni & Honori, quo mea fi-  
liatio, cum innato erga Te pateat cul-  
tu. ARCHIPRÆSUL Illustrissi-  
me. Et quid aliud offerre debuit,  
(1) Tuæ



*Tuæ beneficentiæ Alumnus, Tui fa-  
voris Lactentius, nisi Paternæ Tuæ  
pignora Gratiae, id est, amorem in fi-  
liali pectore progenitum. Conveni-  
ebat tenerum in pignore animum, te-  
nerrimo Tuo erga me affectui conse-  
crare. Infans hic amor, quasi pri-  
mò in cunis Tibi præsentatur, ut cõ-  
stet, vel ab ipsis fasciis, colligatam  
esse gratitudinis meæ obligationē, erga  
suum Gratianum JOANNEM  
Palam hic est, quòd semper in recē-  
ti propensione, meus in Tuam Perso-  
nam vigeat candor, nunquam vete-  
rascens, sed quasi hodie foret natus,  
ideoq; nunquā non tenerrimus. Nec  
miretur quispiam, quòd debitum obli-  
gationis MECÆNATI Gratosif-  
simo, non alio exsolvam ærario,  
præterquam amoris: hujus enim pre-*

*representatio*



tio nihil ditius dari potest. Vilescunt  
universæ Orbis Gaze, cum unione  
amoris comparatæ. Quisq; ad pon-  
dus devenire potest, quàm grandia  
mibi præstes beneficia, quantiç; ego  
appretiem Tuas gratias mihi collatas,  
cum pro eis rependam valorem, su-  
pra omnem cujusq; pretii æstimati-  
onem. Scias velim Illustrissime  
ARCHIPRÆSUL, quòd non ora-  
torio conceptu, sed affectûs pignore,  
Tui Nominis adorno Natalitia. Non  
enim in votis mihi est, orationem co-  
ram Te recitare, sed magis profun-  
dissimam adorationem exhibere. Non  
tam laudare volo, Tua in me col-  
lata munera quàm amare. Homi-  
num est, laudes quærere & extor-  
quere, ast Numina magis cultum  
& amorem exigunt. Igitur cum &  
Quanta columna (2) fuit tanta columna fuit



*Tu Dive Senator, sis quoddam Numen Lechia, tali à me, benevolentiae Tuæ Creatura, ritum debes celebrari. Proinde ad Pontificiam Tui Honoris aram, pro victima debiti cultus, lito amoris Pignus, cum voto, ut nemo audiat, nemo surgat MAIOR Te JOANNE.*

*Ita precatur.*

JLLUSTRISSIMO NOMINI TUO

Cliens ac Nepos devinctissimus,  
CHRISTOPHORUS SKARBEK,  
Canonicus Kijoviensis.



n

n

f

-

i-

n







Biblioteka Jagiellońska



stdr0010682



